

M171: Predigten, Züricher

105va,3 sermo de angelis got unser hêrre . des aneenge . unde . des ende
 105va,4 nieman wizzen ne mac . in diseme lîbe . der wolte
 105va,5 erkennet werden . unde wolte gelobet werden . unde
 105va,6 geminnet werden . dâr umbe . daz vone den drîn
 105va,7 dingen . etewer teil entvienge . sîner gotelîcher
 105va,8 hêrscheft . vone disen drîn dingen geschuof er
 105va,9 eine geistliche geschepfede . solicher natûre
 105va,10 daz siu niene mahte mit handen gerûeret werden .
 105va,11 noch mit handen gehebet werden . daz wâren die
 105va,12 heiligen engele . sô starker . unde sô stæter natûre
 105va,13 daz si niemer zervallen ne mûgen . unde . geschuof
 105va,14 sie sô wizzige . daz . sie got erkanten . sô si in allerêrest
 105va,15 ane sâhen . unde . gap in selpkûre . unde . vrîheit
 105va,16 ze tuonne sweder sie wolten . daz si ire schepfære
 105va,17 wâren gehôrsam . oder ungehôrsam . unde . si vone
 105va,18 iewederme rehten lôn entviengen . von der gehôrsame
 105va,19 den êwigen lîp . vone der ungehôrsame
 105va,20 den êwigen tôt . alsolich geschuof unser hêrre
 105va,21 got . alle engele dâ ze himele . under den engelen
 105va,22 allen . was einer der hêreste . der ouch nû ist aller
 105va,23 tiuvel vürste . der kom vone sînen tiefen
 105va,24 gedanken . ze nîde . unde . zuo übermuoten . unz er
 105va,25 sô verre gesündete . daz . ez ime niemer vergeben
 105va,26 wirdet . “waz was diu sünde sô unvertragenlichiu .”
 105va,27 daz sagen wir iu . er bekante ane gote daz er
 105va,28 sîn schepfære was . über die wâren wizzentheit .
 105va,29 sprach er in sîneme muote . mit gedanken
 105va,30 niut mit offener stimme . daz . er wolte werden
 105va,31 ebenhêre . dem allerhoehesteme . sîneme hêrren .
 105va,32 des gedâhte er dâ inne . mit übeleme willen .
 105va,33 vone diu beviel ouch er . mit allen ime nâch volgenten
 105va,34 genôzen . mit dem willen in ime selben .

 105vb,1 sô verre . daz . er niemer ne mac noch ne wile wider
 105vb,2 komen . unde ze der selben stunte sô er geschaffen
 105vb,3 wart . dô beviel er ouch . wante wære er sô lange
 105vb,4 mit gote gestanten . unz er volle hâte besuochet

- 105vb,5 waz got wære . sô ne wære . daz niht mûgelich
 105vb,6 daz er danne beviele . also diu schrift quît .
 105vb,7 – – – . – – – – dâ ne was
 105vb,8 nehein twâle . also der tiuvel geschaffen wart .
 105vb,9 dô bekante er wole . daz got sîn schepfære was .
 105vb,10 dô nîdete er in sîner hêrschefte . unde . behêrete
 105vb,11 sich daz er ime undertân wære . sâr ze den
 105vb,12 stunten viel er unde alle sîne volgære . von der
 105vb,13 hêrschefte . dâ sie zuo geschaffen wâren . unde
 105vb,14 die sie dannoch gewinnen solten . obe sie gestanten
 105vb,15 wâren . dô huop sich . daz urlouge dâ ze himele also
 105vb,16 diu schrift quît . – – – – –
 105vb,17 – – – – – . – –
 105vb,18 – – – – – . unser hêre
 105vb,19 der almehtigot geschuof die zwô natûre der engele .
 105vb,20 unde . der mennischen . ze diu daz er vone in beiden
 105vb,21 erkennet würde . den mennischen geschuof er
 105vb,22 dâr umbe daz der zehende kôr würde ervûllet . den
 105vb,23 der tiuvel hât verloren . durch sîn übermuot . der selbe
 105vb,24 mennische beviel von des tiueles râte . den koufete
 105vb,25 got widere ze sînen genâden . mit neheineme
 105vb,26 anderen werde wan mit sîn selbes bluote .
 105vb,27 der heiligen engele sint niun koere . wante
 105vb,28 wir wîzen vone der heiligen schrift daz
 105vb,29 dâ ze himele sint . angeli . – . – . – .
 105vb,30 – . – . – . – .
 105vb,31 – – . also hât sanctus Paulus genemmet die niun
 105vb,32 samenunge der heiligen engele . von diu sprach
 105vb,33 der wîssage . von deme engele der allerhêrest .
 105vb,34 über die niun – geschaffen was . wie
- 106ra,1 – sprach er . alsus . “ – – – –
 106ra,2 – . – – – – – . ”
 106ra,3 daz sprichet alsus . daz er wære ein insigele . nâch deme
 106ra,4 vrône bilede . voller wîsheite . unde . volkomener
 106ra,5 in aller gezierde . in aller der wünne . unde . in aller der wolegetâne .
 106ra,6 unde . in allen den zartnussen des paradîses .
 106ra,7 des almehtigen gotes . dâ bî mac man merken
 106ra,8 daz sîn natûr also hêrlîche was . sô daz vrône
 106ra,9 bilede gotes . ie verrer unde mêr an ime erhaben
 106ra,10 was . unde also daz wæhe gesmîde gezieret wirdet mit
 106ra,11 deme edelen gesteine . alsô was der hêrest engel .
 106ra,12 der dâ hiez Luzifer . unde . nû heizet satanâs . waz was er .
 106ra,13 wunderlîche gezieret mit allen den lohezenten steinen
 106ra,14 des grünen paradîses . daz sint die niun koere
 106ra,15 der heiligen engele . mit den daz himelrîche gezieret
 106ra,16 ist . also daz wæhe gesmîde mit deme edelen

106ra,17 gesteine . aber alliu diu schoenheit diu an den niun
 106ra,18 samenungen was . diu was vollicliche an ime
 106ra,19 einen . also dâ geschriben stât . – – –
 106ra,20 – – . vile lieben nû hânt ir vernomen
 106ra,21 von der micheler hêrscheft . dâ der tiuvel zuo geschaffen
 106ra,22 wart . die er dannoch gewinnen solte .
 106ra,23 ob er mit gote gestanten wære . unde . wie er die
 106ra,24 hêrschaft alle verlôs durch sîne übermuot . nû
 106ra,25 vernement ouch vone den heiligen engelen .
 106ra,26 die dô mit gote dâ ze himele gestunten . unde . nû allezane
 106ra,27 schînent vore der anesiht des almehtigen gotes .
 106ra,28 die selben geiste der himelischen heimuote die sint
 106ra,29 iemer alle stunte geiste . unde . ne mügen aber niuwet
 106ra,30 alle stunte werden geheizen engele . wande der name
 106ra,31 dâ man quît engel . der hoeret zuo deme ambete .
 106ra,32 daz den edelen geisten bevolhen wirdet sô man sie
 106ra,33 sendet . zuo der stunte heizent sie engele . unde . anders
 106ra,34 niemer . ez geschihet under stunten daz ein küninc

106rb,1 ein bischov sendet . die wîle denne der bischov in der
 106rb,2 botescheft schînet . sô heizet er ein bote . swenne
 106rb,3 er aber sîne boteschaft erwirbet . unde . er heim
 106rb,4 kumet . sô heizet er aber ein bischov . alsô kumet
 106rb,5 ez umbe die edelen geiste . dâ ze himele . sô sie
 106rb,6 got sendet sô sint sie engele . wan –
 106rb,7 daz quît – . unte diutischen bote . sô si ire boteschaft
 106rb,8 erwerbent . sô heizent sie geiste .
 106rb,9 vone natûr . von diu sprach der wîse Daniel . “–
 106rb,10 – – – . – – – –
 106rb,11 – – – .” vile lieben . alle nâch ire
 106rb,12 ambete werdent sie genemmet – .
 106rb,13 sô si mæzlîchen gewerp in dise werelt boteschaftent .
 106rb,14 – . sô sie die hêresten botescheft werbent .
 106rb,15 also – Gabriêl zuo unser vrouwen sancte Marîen . in dirre
 106rb,16 werlte muoz man die liute bî namen nemmen
 106rb,17 oder nieman ne weiz wen man neimet . aber in der
 106rb,18 himelischen genôzschefte dâ man alliu dinc erkennet .
 106rb,19 âne zwîvel also sie sint . dâ ne bedarf
 106rb,20 nieman neheines namen . swenne si aber her
 106rb,21 nider zuo uns gesendet werdent . sô müezen wir
 106rb,22 in namen geben . iegelîcheme nâch sîneme ambite .
 106rb,23 daz wir sie dâ bî erkennen . in der unverwîzenheite
 106rb,24 disses gagenwertigen lîbes . daz ist
 106rb,25 uns offen an – Michahêl . Michahêl daz quît
 106rb,26 – – – . wer ist alsô got . dâ hât er den namen .
 106rb,27 nâch sîneme ambite . waz was – Michahêlis
 106rb,28 ambaht . daz sagen wir iu . – Michahêl
 106rb,29 der hâte alsô vrî selpküre . sô der tiuvel . unde . mahte

106rb,30 an die übermuot gevallen sîn . mit deme tiuvel
 106rb,31 ob er wolte . alsô er dô innen wart daz der hêrest
 106rb,32 engel wider gote gedâhte . dô dâhte – Michahêl
 106rb,33 her wider ze gote . unde . dâhte alsus . – – – . wer
 106rb,34 mohte sô hêr sîn sô got selbe . mîn schepfære .

106va,1 in den gedanken sô der tiuvel wider got gedâhte .
 106va,2 unde – Michahêl her widere ze gote gedâhte .
 106va,3 dô wart ein stille alse ein halbiu stunte dâ ze himele .
 106va,4 waz was diu stille . ein sô lanc hantwîle
 106va,5 daz die niun koere gestuonten mit – Michahêl .
 106va,6 dô der tiuvel sigen begunde . mit allen ime
 106va,7 nâch volgenten genôzen . in der stille huop sich
 106va,8 daz urluige enzwischen sancte Michahêle . unde .
 106va,9 deme tiuvele . daz iemer wesen muoz unz
 106va,10 an daz jungest urteilede . waz was daz urlouge .
 106va,11 swâ urlouge ist . die in eineme teile sint . die
 106va,12 welln ein dinc . die in deme ander teile sint . die
 106va,13 wellen ein anderz . die deme tiuvele gevolgeten .
 106va,14 die ne mûgen noch welln niemer wider
 106va,15 komen . die – Michahêle gevolgeten .. den
 106va,16 wart daz gegeben daz si nie mûgen noch wellen
 106va,17 niemer vone gote gekêren . daz sint zwei
 106va,18 ungelîchiu dinc . diz urluige huop sich dô der
 106va,19 tiuvel beviel . durch sîn übermuot . unde . dô –
 106va,20 Michahêl mit gote gestuont . nâch der stille dô
 106va,21 huop sich ein gebrehte dâ ze himele daz alliu diu tûsent
 106va,22 der heiligen engele . die dâ ze himele beliben
 106va,23 wâren . die riefen . unde . lobeten den almehtigen
 106va,24 got sîner genâden . alsus . – – – – .
 106va,25 – . – – . – – . vile lieben . noch hânt
 106va,26 ir die selpkûre . alse der tiuvel habete . nû
 106va,27 bewarnt iuch des valles . den der tiuvel erliten
 106va,28 habet . unde der wîze sô er iemittent lîdet .
 106va,29 nû bewarnt iuch in diseme unstæten zîte in die huote
 106va,30 unde . die beschirmunge . sancte Michahêls . unde . sîner genôze
 106va,31 der heiligen engelen . der hêresten engelen . der himelschlîchen
 106va,32 tugende . der himelschlîchen gewelte . des
 106va,33 vürsten tuomes . der hêrscheften . der gestüele des almehtigen
 106va,34 gotes – unde – . mit

106vb,1 der aller helfe . müezent ir beidiu erkennen . unde .
 106vb,2 minnen unsern hêrren den almehtigen got
 106vb,3 in der pfalenze sînes êwigen rîches . – – – – .
 106vb,4 – – . – . – .
 106vb,5 vile lieben . hiute ist vollekommen . diu sigenumft
 106vb,6 unsers hêrren Kristes . hiute sol man von rehte

106vb,7 ûf rihten beidiu kriuze . unde . vanen . diu ze deme sige
 106vb,8 hoerent . hiute ist allerêrest deme tiuuele
 106vb,9 ein innicliche leit geschehen . dô er sîne gevangen
 106vb,10 sô hêrlîche vûeren sach in daz êwige rîche .
 106vb,11 hiute vrôuwet sich allez himelischez her . daz der
 106vb,12 schade widertân ist den der tiuvel wilent dâ
 106vb,13 ze himele gevrumete . hiute ist unser mennischheit
 106vb,14 bestatet zuo der zeswen des êwigen vateres .
 106vb,15 hiute hât die mennischheit hêrschaft gewonnen
 106vb,16 über alle geschepfede . hiute sint ir ze vûezen
 106vb,17 komen alle himelische vûrsten . alle himelische
 106vb,18 gewelte . alle himelische tugende . hiute nam
 106vb,19 aneenge der niuwe wec dannen der – spricht .
 106vb,20 “ – – Christî – – . – – – – – .
 106vb,21 – – .” hiute hât entslozen daz himelische bûrge
 106vb,22 tor unser hêrre Krist . mit sîneme vleische . dâ
 106vb,23 êr nie nieman in kom . hiute hât den himel
 106vb,24 ûf getân . daz vrône ôsterlamp . daz durch unsich
 106vb,25 alle erslagen wart . daz diu siben insigel eroffenet
 106vb,26 sîn selbes . wande allez daz ervüllet ist daz in der alten
 106vb,27 ê gebildet wart . unde . daz die wîssagen gesprochen
 106vb,28 hânt . von sîner mennischheite . hiute ist daz
 106vb,29 ervüllet daz – Paulus gesprochen hât . “ –
 106vb,30 – Christus – – – – – .
 106vb,31 – – – – – .”
 106vb,32 daz quît . Krist kom her nider . daz . er an sich næme
 106vb,33 unser mennischheit . hiute vuor er hin ûf daz
 106vb,34 wir êwiclîche haben sîne goteheit . –

107ra,1 er kom her nider daz er uns hiute gehôhte . er
 107ra,2 vuor hin ûf hiute . daz wir samet ime . unde nâch ime
 107ra,3 dar vuoren vile lieben wande wir nû des gewis sîn
 107ra,4 daz wir samet ime in dirre werelte gesihticliche
 107ra,5 nehein wesen haben mûgen . vone diu sulen
 107ra,6 wir gâhen mit aller der anedâht unsers muotes
 107ra,7 daz . wir in êwiclîche sehen in sîneme rîche .
 107ra,8 dâr ane kêrte er alle die genâde die er mit uns
 107ra,9 begangen hât . daz er uns brâhte in sîn rîche . unde
 107ra,10 uns dâ gesatete sînes antlüttes . dâr zuo spricht
 107ra,11 der – . “ – – – – .” dâr zuo spricht
 107ra,12 der – . – – – – – .
 107ra,13 daz ist der rîchtuom den der hêrre Dâvît hier mite
 107ra,14 meinte . – – – – . – – –
 107ra,15 – – – – . – – – – – .
 107ra,16 daz ist diu wünne . diu schoenheit . der rîchtuom .
 107ra,17 diu vrôuwede . diu geselleschaft . diu genôzschafft .
 107ra,18 diu künneschaft . diu trûtschaft . diu hêrschaft .

107ra,19 diu wirtschaft . diu bekenneunge . diu mandunge .
 107ra,20 diu volle wonunge . die der hêrre Dâvît sach . als in
 107ra,21 eineme spiegele . oder in einer tunkele . sô vile sô er
 107ra,22 ez kiesen mahte . wie sprach er . – – –
 107ra,23 – – . – – – – – . hêrre wâr
 107ra,24 umbe gebat ich dich ie iutes an der erde . dâ wider
 107ra,25 sô dû mir dâ ze himele geschaffet hâst .
 107ra,26 wâr umbe wart mir ie ze iuwete mære
 107ra,27 daz mîn ougen ie gesâhen . oder des mîn lîp ie bekorete .
 107ra,28 dâ widere sô dû mir dâ ze himele gehalten
 107ra,29 hâst . heiâ waz ez ist . daz ez aber ist . daz
 107ra,30 ne kan ich neweder erdenken . noch geschrîben .
 107ra,31 noch gesprechen . dar ist der guote hirte
 107ra,32 gevarn . – – – – – . wir sîn sîniu
 107ra,33 schâf . nû heben uns balde nâch ime . dar ze
 107ra,34 himele sol uns hungere . also den aren

107rb,1 nâch deme vleische . also ez gescriben ist . vone
 107rb,2 deme aren . er smecket daz tôte fleisch al über
 107rb,3 daz mer . unde . ist ouch schiere dâr über gevlogen .
 107rb,4 nû hân wir gesmecket ein teil wâ unser lîpnar
 107rb,5 unser spîse ist . nû heben uns dar über daz vehtente
 107rb,6 mere . dirre werlte . wir hân daz snelle gevidere
 107rb,7 dâ mite wir schiere dar gevlogen sîn . obe
 107rb,8 uns die zwêne vetache vore allen dingen
 107rb,9 behüget sint . diu minne gotes unde eines
 107rb,10 iegelîchen mennischen . sô wirdet an uns daz ervüllet .
 107rb,11 – – – – – . nû denket
 107rb,12 vile lieben welich wunder dâ ze himele hiute in diseme
 107rb,13 tage geschach . dô die heiligen engele zesamene
 107rb,14 sâhen . unde . vore wundere sprâchen . “– – – – –
 107rb,15 – – . – – – – – . – –
 107rb,16 – – – – –
 107rb,17 – .” dâ hine ûf vuorte er hiute die gevangen
 107rb,18 die vore vûnf tûsent jâre hine ze helle
 107rb,19 gevangen wâren . daz ist unser reht hêrre .
 107rb,20 deme mûgen wir gerne dienen . der uns vone
 107rb,21 gevangen schalken in sîneme rîche gemachet
 107rb,22 hât . ime selben ze kinden vone diu sulen wir
 107rb,23 sprechen mit – Paulo . “– – –
 107rb,24 – Christî . – . – – . – . –
 107rb,25 – . – . – – .” swenne uns geleitet
 107rb,26 unser hêrre zuo sîn selbes anlütte . sô wirdet
 107rb,27 êrest uns allen . allez daz . des wir dâ geren . unde
 107rb,28 gedenken mûgen . eines solichen hêrren soldât
 107rb,29 mûgen sîne ellende recken gerne entvâhen . eine
 107rb,30 wîle in dirre werlte . unz iegelîcher sînen
 107rb,31 kampf gevehete . sô gibet in denne in sîneme

- 107rb,32 êwigen rîche der keiser aller küninge eine alle
 107rb,33 soliche krône . mit rîche betalle . der newederz
 107rb,34 niemer nehein alter verslîzet . den sô gelônnet
- 107va,1 wirdet . die mûgen sprechen . “ – – –
 107va,2 – – .” die gebrüedere teilent ire erbe hier in
 107va,3 dirre werlte . eteswenne mit seilen . dâ denne
 107va,4 daz seil hine gevellet ez sî übel oder guot . dâ muoz
 107va,5 ez der nemen . der denne wellen sol . daz ist ein niut .
 107va,6 ez zergât einer hantwîle . die aber hier sô dienen
 107va,7 daz siu entwâhent die krône des êwigen
 107va,8 rîches . die mûgen wærlîche sprechen . “ – –
 107va,9 – – – – .” sô ist der alte sac entrennet
 107va,10 unsers irdischen lîbes . unde . ist der edele schatz ûz genomen
 107va,11 den got selbe dâr in gap ze gehaltenne . waz
 107va,12 gewandes hân wir denne an . – . – – .
 107va,13 vröuwede . unde . mandunge . – – – – –
 107va,14 – – . zuo vrônen hôchzîten hoeret schoene
 107va,15 gewæte . zuo schoeneme gewæte . nehein unvröuwede .
 107va,16 die wîle wir in deme vûlen sacke sîn . des
 107va,17 vleischlichen gewætens . sô müezen wir iemer
 107va,18 mit riuwe sîn . umbe unser sünde . – – –
 107va,19 – – – – – . sô ne vûrhten wir
 107va,20 niet mêre . sô ne weinen wir nicht mêre .
 107va,21 zuo den ôsteren hoeren wir einer slahte –
 107va,22 diu niemer gehoeret wirdet . in erde noch in himele
 107va,23 êr daz urteile ergêt . ze jungeste . zuo der wünne
 107va,24 müeze iuwich bringen . der von himele durch
 107va,25 uns her in ertrîche kam . unde . wider dar ze himele
 107va,26 ist gevarn . unde . dâ rîcheset von êwen unz . ê . –
 107va,27 – – – – .
 107va,28 alse – Augustinus geschriben hât . – –
 107va,29 – – – – – .
 107va,30 durch daz kom der vater . unde . der sun . unde . der heilige geist
 107va,31 in die tougene sancte Marîen . lîbes . daz von den drîn
 107va,32 ein solich mennische dâ inne geworht würde . alsô
 107va,33 gevazzeter . unde . alsô gewâfeneter . mit unsers
 107va,34 hêren mennischheite . wider den tiuvel . Christus
- 107vb,1 – – . der daz allez vollebrâhte an daz ende . nâch
 107vb,2 sînen genâden . unde . nâch unser aller nôtdürften .
 107vb,3 alle drîe kômen si dare . si worhten aber ungelîche
 107vb,4 dâ . des nement bilede an disen vûnf dingen .
 107vb,5 an deme sunnen . unde . an eineme zwigebeln
 107vb,6 holze . unde . an der harpfen . unde . an der gerte des hêren
 107vb,7 Aaron . unde . an den nûzzen den diu gerte
 107vb,8 gebar . sô man . daz eine wort sprichet . “sunne .”

107vb,9 dâ sehen wir driu dinc ane . – – .
 107vb,10 – . – – . der sunne wirdet genemmet .
 107vb,11 der schîme entliuhtet . diu hitze wermet .
 107vb,12 truckenet . unde . derret . der vater . unde . der sun . unde . der
 107vb,13 heilige geist . komen sament dare . unde . worhten
 107vb,14 ungelîche dâ . got der êwige sunne . ordenete
 107vb,15 allez daz dâ geschach . der heilige geist warnete sie .
 107vb,16 zuo der geloube . er truckenete . unde . tarte in ire alle
 107vb,17 mennischlîche âkuste . noch nie verliez in ire lîbe
 107vb,18 nehein sünticlîchen gelust . unde . also der schîme des
 107vb,19 sunnen durch daz glesîne venster in daz gadem
 107vb,20 schînet . unde . allez . daz . entliuhtet . daz . dâr inne ist . unde . also
 107vb,21 . daz . glesîne venster ganz belîbet . unde . unverschertet .
 107vb,22 sô der sunne dâr in slehet . unde . wider ûz gêt . alsô kom
 107vb,23 der êwige gotessun zuo unser vrouwen sancte Marien .
 107vb,24 dar varnte . unde . dannen scheidente . daz . siu neweder
 107vb,25 innen wart getwanges . noch sêres . der
 107vb,26 ie vore allen werten was âne aneenge des
 107vb,27 êwigen gotes sun âne muoter . der wart ze der wîs
 107vb,28 der êwiger megede sun . sancte Marien . âne irdischen
 107vb,29 vater . ûfen der erde . an deme ende der werelte .
 107vb,30 noch nement bilede vone zwein esten . die ûzer
 107vb,31 eineme stamme gewahsen sint . die drî namen
 107vb,32 hoerent zuo einem holze . alsô habent iu – –
 107vb,33 – – – – – . noch schouwent an die harpfen .
 107vb,34 dâ ist . daz . holz . unde . der seite . unde . diu hant . der list –

108ra,1 tihtet daz werc . diu hant rüeret . der seite klinget .
 108ra,2 der êwige vater tihtet . der êwige sun werket .
 108ra,3 der heilige geist lûtet alle die zungen der herze
 108ra,4 got meinet . diu dürre gerte des hêren
 108ra,5 Aaron . bezeichnenet mîne vrouwen sancte
 108ra,6 Marien . diu âne mannes rât . unde . âne mannes
 108ra,7 mitewist . den werten wuoher gebar . dâ
 108ra,8 mite alle sælige sêlen gelabet werdent .
 108ra,9 engelle . unde . mennischen . vone sîner anesihte .
 108ra,10 zuo deme êwigen lîbe . diu nuz der selben
 108ra,11 gerte bezeichnenet unseren hêren Jêsum Christum .
 108ra,12 wane dâ sint driu dinc ane . diu rinde . diu
 108ra,13 schale . der kerne . diu bittere der rinde . bezeichnenet
 108ra,14 die arbeit sînes lîbes . an der mennischheit .
 108ra,15 die er leit . vastente . dûrstente . muodente . dâr
 108ra,16 nâch den bitteren tôt . an deme kriuze . diu schale
 108ra,17 bezeichnenet die herte des kriuzes . der kerne bezeichnenet
 108ra,18 die sîeze der goteheit . daz ist allez ervûllet
 108ra,19 an unser vrouwen sancte Marien . von ire kom
 108ra,20 uns diu genâde die wir hiute lesen an der leczen .

108ra,21 – . – . uns ist erschinen der guote wille . unde
 108ra,22 diu mennischheit unsers haltæres des almehtigen
 108ra,23 gotes . niuwet vone decheinen rehten werken
 108ra,24 diu wir selbe getân haben . wan nâch sîner
 108ra,25 michelen erbermede hât er uns gehalten
 108ra,26 obe wir selbe wellen . wan er sprichet ouch .
 108ra,27 – – – – . – – . – . – – – . ich bin
 108ra,28 der guote hirte . ich wile mînere sêle âne werden
 108ra,29 unde wile sie hine ze helle geben . umbe mîniu
 108ra,30 schâf . nû vernement waz der engel sprach .
 108ra,31 – – – – – . ich künde
 108ra,32 iu guote boteschaft . michel mandunge . diu
 108ra,33 geschehen sol alleme liute . ez was wærlîche
 108ra,34 ein michel mandunge . wir wâren gevangen

 108rb,1 wir lâgen in der vinstere des hellekarkæres . wir
 108rb,2 wâren verchwunt . von deme êwigen tôde .
 108rb,3 dô wart unser vater geboren . unde . unser schepfære .
 108rb,4 der wart unser gîsel hine ze helle . er
 108rb,5 wart ein wîser arzât . über alle die sünde
 108rb,6 dâ mite wir den tôt habeten gearnet .
 108rb,7 – – – – –
 108rb,8 – – – . – – – – . – – terre – . – – – .
 108rb,9 dô der eine engel die boteschaft sagete . dô erschein
 108rb,10 sament ime michel menigîn engele .
 108rb,11 des himelischen heres . die lobeten unseren
 108rb,12 hêrren . daz lop sprach alsus . – – – – .
 108rb,13 daz quît . – – – – . emzic mære
 108rb,14 mit lobe . guoter mære . die ze lobenne sint .
 108rb,15 der ne mac niet ze vile sîn . der got sæhe also
 108rb,16 er ist . der mahte mære sagen . – – – –
 108rb,17 – – – . die schoene gotes . die ne
 108rb,18 gesach nie nehein ouge . die ne gehôrten
 108rb,19 nie neheiniu ôrn . der ne dâhte nehein
 108rb,20 herze . die gerent die heiligen engel allez an
 108rb,21 beschouwen . in ane sehent die heiligen
 108rb,22 engele hiute also gerne sô ze der stunte dô sie
 108rb,23 in allerêrest schouwen begunden . unde
 108rb,24 ist in hiute also nôt in ze schouwen . obe sie ze
 108rb,25 einer stunte ire antlütte vone ime
 108rb,26 muosen bekêren . daz sie niemer sô schiere dar
 108rb,27 widere gesâhen . êr in eteswaz entgienge an
 108rb,28 sîneme antlütte . daz si dâ vore nie gesâhen . unde
 108rb,29 ouch dâr nâch niemer gesâhen . obe sie die
 108rb,30 wîle versünden . wan an ime ist also –
 108rb,31 Grêgôrius geschriben hât . – – . –
 108rb,32 – . daz quît . an ime ist tagelich
 108rb,33 hôchzît . unde . zuo iegelîcher wîle niuwe

108rb,34 lustsame . unde . wünne . der ist grôzes lobes

108va,1 wole wert . an deme diz allez ist . der wart gesouget
 108va,2 unde . geboren vone einer megede – Marien . alse
 108va,3 wir hiute begên . die heiligen engele vrôuweten
 108va,4 sich daz mit der gebürte die mennischen wider
 108va,5 geladet wurden . beidiu ze gotes hulden . unde
 108va,6 zuo ire genôzschefte . in den zehenden kôr
 108va,7 dâ der tiuvel ûz verstôzen wart . mit allen
 108va,8 ime volgenten genôzen . michel mêre sulen
 108va,9 die mennischen gevrouwet werden den der
 108va,10 vride gemachet was . an der erde . der vride
 108va,11 kom an der zîte . wan diu gewette werete
 108va,12 vünf tûsent jâre . unde mêre . daz wir armmennischen
 108va,13 neweder habeten gotes hulde
 108va,14 noch der engele minne . der vride wart gekündet
 108va,15 an der erde den mennischen unde . niut
 108va,16 allen . sunderbâre aber den die dâ wâren
 108va,17 guotes willen . daz ist der guote wille daz sie
 108va,18 die suone niet verwürken mit decheinen
 108va,19 unzûhten . die gotes ougen niene zemen .
 108va,20 ane ze schouwenne . wante dâ geschriben stât
 108va,21 – – – – – . sô reine
 108va,22 sint diu ougen unseres hêren daz sie nehein
 108va,23 übel in ire beschôuwede dulten wellen . siu
 108va,24 sunge . genædicliche . – – . daz
 108va,25 quît . guotes willen . daz siu verswîgeten guoter
 108va,26 werke . daz was dannen von . wan der mennische
 108va,27 hât genuoc an deme guoten willen
 108va,28 vore gotes ougen . ob er der werke niht bringen
 108va,29 mac . der guote wille hilfet âne diu werc
 108va,30 dâ man ire niht geleisten mac . swie
 108va,31 guot aber diu werc sint . dâ sî der guote
 108va,32 wille mite . daz . man dâr mite niene meine
 108va,33 wan einvaldicliche got . ez ne hilfet ze
 108va,34 gote niht . von diu sprach er “guotes willen .”

108vb,1 . daz . wort ist gemeine allen den mennischen
 108vb,2 ûfen der erde . die gehalten sulen werden . – .
 108vb,3 daz ir nû hier vernomen hânt . daz . ist ein hêre
 108vb,4 dinc . ein michel gebe . ein grôz genâde . ein
 108vb,5 maget gebar got selben . ire schepfære . ein
 108vb,6 tochter ire vater . tochter der gottheit . muoter
 108vb,7 der mennischheit . wir bekennen zwô gebürte
 108vb,8 unseres hêren . eine goteliche . ein andere
 108vb,9 mennischliche . eine âne muoter dâ ze himele .
 108vb,10 eine âne vater hier in erde . hiute hât diu versiechetiu

108vb,11 mennischheit entvagen daz êwige
 108vb,12 heil . unde . die stæten gesuntheit . hiute sint
 108vb,13 alle die hafte . vrî gemachet . die der tiuvel
 108vb,14 hâte gebunden mit den sünden . obe siu
 108vb,15 selbe wellen . hiute ist der ellende mennische
 108vb,16 wider komen zuo sîneme erbe . in der himelischen
 108vb,17 heimuote . nû garwen wir die herberge
 108vb,18 unsers herzen solicheme gaste . solicheme
 108vb,19 künige . daz . er uns geruoche ze envâhenne
 108vb,20 in die pfalenze dâ niemer niuwet
 108vb,21 unschoenes in kumet . der pfalenze gestate
 108vb,22 uns nâch diseme lîbe . unser hêrre . Jêsus Christus .
 108vb,23 - - - - - . - - - . âmên
 108vb,24 - - - - - .
 108vb,25 den ahtoden tac von der gebûrte unsers
 108vb,26 hêrren . den begên wir hiute . an deme unser
 108vb,27 hêrre Jêsus . von den sînen vorderen besniten
 108vb,28 wolte werden . nâch der alten êwe . die er
 108vb,29 wolte ervûllen . unde . zerstoeren . der ahtode
 108vb,30 tac unseres hêrren gebûrte . unde . sîn besnîdunge .
 108vb,31 komen zesamene . an disen heiligen
 108vb,32 tage . niuwet âne sache . ein iegewelich
 108vb,33 - . bezeichnenet den êwigen lîp . die
 108vb,34 siben tage die in der - sint bezeichnenent daz

109ra,1 dâ ergangen zît . disses vlûhtiges ellendes . unde . also die
 109ra,2 siben tage verendet werdent mit der - .
 109ra,3 samelîche nimet disiu werlt ende . mit deme
 109ra,4 êwigeme lîbe . in den siben tagen hât man
 109ra,5 unmuoze iegelîcher also der sîn gewerf getân
 109ra,6 ist . an deme ahtoden tage des êwigen lîbes ruowet
 109ra,7 . unde . grûenet beidiu sêle . unde . lîp . in der anesihte des
 109ra,8 almehtigen gotes . in dirre werlte sint iemer sament
 109ra,9 urlougente lîp . unde . sêle . - - -
 109ra,10 - - . - - - - . in der - des êwigen
 109ra,11 tages . koment sie mit êwiger minne
 109ra,12 zesamene . unde . habent iemer liebe âne ende .
 109ra,13 der ahtode tac . nimet aneenge sô daz ervûllet
 109ra,14 wirdet . - - - - -
 109ra,15 - - - - - . - - - - -
 109ra,16 - - - - - . der mâne wirdet alsô licht
 109ra,17 sô der sunne . der sunne wirdet sibenvalt alsô licht
 109ra,18 sô der liehteste tac den ie decheines mennischen
 109ra,19 ouge beschouwete . des tages sô unser hêrre got
 109ra,20 alle die wunden verbindet die wir ie von
 109ra,21 Adâmes sünden gevrûmeten . unde . sie sô verre
 109ra,22 geheilet . daz . die heiligen engele an uns neheine

109ra,23 mâsen ne kiesent . sô wirdet ouch . daz .
 109ra,24 ervüllet . -- . -- . -- .
 109ra,25 der himel wirdet niuwe . diu erde wirdet niuwe
 109ra,26 ebene . unde . grüene . alse . daz . paradîse . dannen Adâm .
 109ra,27 verstôzen wart . alsolich was daz paradîse
 109ra,28 alse – Grêgôrius geschriben hât . daz . nie nehein holz
 109ra,29 sô dürre wart . noch sô vûl . mohte ez dâr in
 109ra,30 geboten werden . ez gruoete . ez loubete .
 109ra,31 . unde . bære wuocher . sô wirdet . daz . ervüllet .
 109ra,32 ----- . des tages
 109ra,33 erschînent alle die rehten . in ire vatterrîche .
 109ra,34 alse der viurîne sunne in dirre werelte . die siben

 109rb,1 tage nement ende . -----
 109rb,2 – . sô got kumet ze erteilen alle dise werlt
 109rb,3 mit deme viure . sô . daz . urteil ergêt . --
 109rb,4 – . -- . -- . sô ne wirdet niemer mêre
 109rb,5 naht ûf der erde . noch niemer tac in der helle . als ez
 109rb,6 dô was dô got die marter leit an deme kriuze .
 109rb,7 . unde . ze helle vuor . unde . dannen nam die sînen willen hæten
 109rb,8 getân . daz vestenet ouch die heiligiu schrift . –
 109rb,9 ----- .
 109rb,10 den erschein ein michel licht die dâ wâren in der
 109rb,11 gegene des tôdes . nâch deme urteile sô zôuget
 109rb,12 sich der êwige morgen . sô wir alle vore gote
 109rb,13 stanten mit lîbe . unde . mit sêle . daz . ist diu vrône
 109rb,14 – . daz . ist der ahtode tac . des êwigen rîches .
 109rb,15 der denne allerêrst gesehen wirdet . der ne gewan nie vore gênten –
 109rb,16 nie nâch gânten tac . der ne gewan nie gesterigen
 109rb,17 tac . noch morgenigen . der ne wart nie mit
 109rb,18 morgene geanegenet . noch mit âbende
 109rb,19 beslozen . der ne wart nie morgenlîche entlûhtet .
 109rb,20 noch mit âbenttunkelen verselwet . der ist
 109rb,21 der ein der dâ unverwandelet ist . unde . ist âne aneenge .
 109rb,22 . unde . ouch iemer ist âne ende . der ahtode tac .
 109rb,23 gebîret den mennischen in . daz . êwige rîche . gotelîche .
 109rb,24 alse in sîn muoter gebar in dise werelt
 109rb,25 mennischlîche . alse wir in den siben tagen nû
 109rb,26 werken . alsô erschînen wir in der – .
 109rb,27 hin ze jungeste . alse – Paulus geschriben hât .
 109rb,28 ----- . –
 109rb,29 --- . nû sulen wir got biten
 109rb,30 . daz . wir alsô erstanten von den sünden . in unsern
 109rb,31 siben tagen . daz . wir ander stunt geboren werden .
 109rb,32 niuwîu kint . des almehtigen gotes in der –
 109rb,33 des êwigen lîbes . ---- .
 109rb,34 ---- .

- 109va,1 ----- .
 109va,2 ----- . ---
 109va,3 -- . ----- .
 109va,4 --- . der engel der zuo unser
 109va,5 vrouwen sancte Marien gesendet wart . des name
 109va,6 Gabriël . wirdet geantvristet “gotes sterke .” von
 109va,7 diu . daz . er die maget sancte Marien solte gesterken .
 109va,8 diu dannoch von der natûre lîhte erkæme .
 109va,9 ne wære siu nicht gesterket . mit der krefte
 109va,10 gotes . Nazarêt . daz . quît bluome . dô got wîlent
 109va,11 geruochte ze redenne mit unseren altveteren
 109va,12 vone himele her nider . die geheize die er
 109va,13 in dô entwânte . die wârn rehte ein sâme
 109va,14 von himele her an die erde geworfen .
 109va,15 ze einer kennunge des alten gotes . der sâme
 109va,16 begunde blüejē . an den wundern . diu der êwige
 109va,17 got begienc in der werelte . dô er diu zwelif geslehte
 109va,18 Israheles . durch . daz . rôte mer vuorte . an deme
 109va,19 wazzere . daz . in Moises gewan ûzer deme steine .
 109va,20 an deme himelbrôte . an deme schoenen antlûtte
 109va,21 des hêrren Moisi . an den zehen geboten
 109va,22 diu er ime gap . an den zwein steinînen tavelen .
 109va,23 an ire gewæte . daz . siu gewerte unverslizzen
 109va,24 volle vierzic jâre . an manigen
 109va,25 anderen grôzen hêrscheften die er an in
 109va,26 zôugete in der wüeste . dâr nâch an den künftigen
 109va,27 genâden . die die wîssagen vore sageten .
 109va,28 dâr nâch daz man künige wîhen begunde .
 109va,29 . unde . bischove . unz an . daz . zît . daz . unser hêrre
 109va,30 Krist geboren wart . daz wâren allez bluomen .
 109va,31 die bluomen alle . brâhten einen wuocher . –
 109va,32 -- . ----- . diu edele erde
 109va,33 – Maria . gebar den edelen wuocher unsern
 109va,34 hêrren Jêsum Christum zuo Nazarêt kom diu boteschaft .

 109vb,1 daz . got geboren solte werden vone sancte Marien .
 109vb,2 wante von deme bluomen versihet man sich des
 109vb,3 künftigen wuocheres . also aber der wuocher kumet
 109vb,4 sô vellet der bluome nider zuo der erde . unde . wirdet ze unnutze .
 109vb,5 wande also er nider kumet sô dorret er .
 109vb,6 unde wirdet ein niuwet . alsô kom ez umbe got
 109vb,7 selben . dô er kom . dâ diu wârheit an was . dô ne
 109vb,8 bedorfte man der dinge niwet mêre diu dâ vore
 109vb,9 geschâhen ze eineme bilede des . daz . er komen solte .
 109vb,10 in dise werelt . wære got . unde . wære mennische .
 109vb,11 diu burc Nazarêt . was in eineme lande . unde . ist
 109vb,12 hiute . daz . heizet Galilea . Galilea . daz . quît – .

109vb,13 verscheidunge . wan alse er geboren
 109vb,14 wart . dô hâte allez . daz . ende genomen . daz . sîne geburt
 109vb,15 êr des vore bildete . an welicher megede werden
 109vb,16 ie mære zwei sus ungelichiu dinc . diu des wirdic
 109vb,17 was . daz . ein engel zuo ir gesendet würde . unde . sô diemüete
 109vb,18 . daz . siu eineme zimbermanne gemahet was .
 109vb,19 diu diemuot liebet . unde . gezieret den magettuom
 109vb,20 diu magettuom zieret die diemuot . swâ aber
 109vb,21 diu diemuot nicht ist . der mennische muoz durh nôt
 109vb,22 verloren werden . wan swâ diu diemuot nicht
 109vb,23 ist . dâ ist aber übermuot . dâ diu übermuot ist .
 109vb,24 dâ ist der tiuvel . dâ der tiuvel ist . dâ ist ouch der êwige
 109vb,25 tât . ich getar ez wole sprechen . ne wære diu diemuot
 109vb,26 vollicliche nicht mit der magetheit an sancte
 109vb,27 Marien . got ne wære nie zuo ire komen .
 109vb,28 wan disiu aber beidiu dâ wâren . vone diu kom
 109vb,29 er dare . dâr zuo sprach der êwige vater – – .
 109vb,30 – – – – – . – – – – –
 109vb,31 – . daz quît . ûfen weme sol mîn geist
 109vb,32 geruowen . wan ûfen deme senften . unde . ûfen
 109vb,33 deme diemüeten . ouch sprach got selbe . “– –
 109vb,34 – – – – – . lirnent von mir

110ra,1 – . daz . ich milte bin . unde . diemüete in mîneme herzen .”
 110ra,2 von der diemuote kom der heilige geist zuo mîner vrouwen
 110ra,3 sancte Marien . alse siu selbe sprach . “–
 110ra,4 – – – . er hât ane geschouwet
 110ra,5 die diemuot sîner diernen .” nû mac sich ein ieglich
 110ra,6 übermüetiu – wole schamen . daz . sich got
 110ra,7 selbe diemuotte . unde . sich der arme mennische gehoeht .
 110ra,8 von der erde sîn wir genomen . zuo der erde müezen wir
 110ra,9 komen . diu selbe erde wirdet denne ein stüppe .
 110ra,10 . daz . stüppe wirdet gereinet in deme lûterme viure .
 110ra,11 ze deme jungesten urteile . sô gereinet daz
 110ra,12 viur unsers lîbes stüppe . daz . wir got beschouwen
 110ra,13 unde . sament ime belîben . obe wir ez hier nicht
 110ra,14 verwürken . mit der übermüete . dâ stêt geschriben .
 110ra,15 – – – – – . er was
 110ra,16 den mennischen undertân . wir geren aber des
 110ra,17 . daz . uns diu mennischen undertân sîn . dâr ane setzen
 110ra,18 wir uns vüre got . nû ist iu ein dinc ze wunderenne .
 110ra,19 der den engel dar sande . den vant der
 110ra,20 engel dâ . ze der megede . sô vile was got sneller denne
 110ra,21 der engel . daz . der bote nie sô schiere dare komen ne
 110ra,22 mahte . er ne vûnte in dâ . als er in gesande . dô
 110ra,23 huoben sie sich dare beide . dô der bote dar kom .
 110ra,24 dô was der hêrre geherberget . dô ne sprach der engel

110ra,25 niwet . -- . unser hêrre kumet . er
 110ra,26 sprach -- . unser hêrre ist mit dir . got
 110ra,27 der allenthalben ist . swie man in nicht gesehen
 110ra,28 müge mit der erkennunge . man vâhet in iedoch
 110ra,29 mit der minne . daz ir in nû vinden müezent mit
 110ra,30 guoteme willen . unde . er iuch samelîche vinde mit
 110ra,31 reinen gedanken . daz ruoche er iu ze verlihenne
 110ra,32 ime selbe ze lobe êwiclîche . --- . âmên
 110ra,33 ---- .
 110ra,34 ----- .

 110rb,1 ---- . -- . vile lieben .. diu
 110rb,2 erbermede unseres hêrren . hât uns iezuo vile
 110rb,3 lange vertragen . unde . hât vile lange enthebet den
 110rb,4 slac den wir nû alle wîle . mit den meintæten
 110rb,5 gearnet haben . nû sprichet er uns zuo . durch den
 110rb,6 munt des wîssagen des hêrren Michê --
 110rb,7 mîn liut waz hân ich dir getân . an deme aneenge
 110rb,8 der suone heizet er uns sîn liut . unde . zôuget uns dâ
 110rb,9 mite . daz . er niuwet ungenædiclîche mit uns
 110rb,10 tagedingen wile . obe wir uns wellen bekêren .
 110rb,11 er sprichet alsus . “-- . waz hân ich dir getân .
 110rb,12 wâr umbe hât dû mich verlâzen . wâr umbe bist
 110rb,13 dû mir ungehârsam . -- .” vile lieben . dâ
 110rb,14 ist uns gebrosten . dâ ist unser rede ûz . grôzer
 110rb,15 genâden manet er uns . mit disen worten .
 110rb,16 ----- . ûzer den vinsteren
 110rb,17 dirre werlte . vone der gevangnisse des tiueles .
 110rb,18 dannen ûz hât er uns erloeset . unde . uns brâht
 110rb,19 ---- . ----
 110rb,20 ---- . vile lieben . unser
 110rb,21 hêrre hât uns gewarnet . êr . er ze jungeste
 110rb,22 mit uns ze rehte gienge . nû sehe iuwer iegelich
 110rb,23 waz er denne ze antwûrte haben müge . sô
 110rb,24 wir ze jungeste vore gote gestanten . des ne
 110rb,25 sihe ich ze mîneme teile in mîneme herzen nicht
 110rb,26 waz daz sîn müge . er hât uns manige güete bescheinet .
 110rb,27 daz . wir neheine gevellige antwûrte
 110rb,28 haben mügen . wider ime . ----
 110rb,29 ---- . ---- . -- . ----
 110rb,30 ---- . in alleme sîneme rîchtuome
 110rb,31 geruochet er durch uns ze werdenne --- .
 110rb,32 der guote hirte . unser hêrre . kom in die wüestunge
 110rb,33 dirre werlte . ze suochenne . daz . schâf . daz . die wolve
 110rb,34 erzücket hâten . daz . vant er . unde . truoc ez widere

110va,1 ûf sînen ahselen . zuo der genôzschefte der heiligen engele .

110va,2 mit den arbeiten sînes tôdes . an deme galgen
 110va,3 des heiligen kriuzes . - - - - . - - -
 110va,4 - - . mit allen disen arbeiten koufete
 110va,5 er ime selben neweder rîchtuom noch êre .
 110va,6 wane . daz . er ouch haben mahte obe dissés niut
 110va,7 wære . daz wâren sîne genâde . dô nehein
 110va,8 got was wan er eine . daz . er uns allen . daz . erwarp
 110va,9 . daz . wir gotes kint sîn . obe wir selbe wellen
 110va,10 also dâ geschriben stât . - - - - -
 110va,11 - - . dâ widere sulen wir sprechen . alle
 110va,12 gelîche . - - - - - .
 110va,13 vile lieben . werdent deme almehtigen gote
 110va,14 gehôrsam . daz . er sîne genâde vone iu nieht
 110va,15 kêre . also der hêrre Moises gesprochen hât . -
 110va,16 - - - - . - - - -
 110va,17 - - - - . - - - -
 110va,18 - - - - . - - - - .
 110va,19 also er spræche . nû ir hêrren alle ir sint beslozen
 110va,20 von iuweren sünden . vore deme bürge
 110va,21 tore des himelischen küniges . nû stênt niut
 110va,22 lange dâ vore . der tiuvel . unde . sîne . werbent
 110va,23 dâr umbe . daz . sie iu zuo gespringen . unde . iuch nider
 110va,24 geslahen . vore deme bürge tore . nû mügent
 110va,25 ir sprechen . “daz . bürge tor ist beslozen . wâ solen
 110va,26 wir in kômen .” daz sagen wir iu . diu vorebürge
 110va,27 sliezent sich ûf . swenne ir selbe wellent .
 110va,28 durch diu vorebürge sulent ir kômen - -
 110va,29 - - - - . - - - - . - -
 110va,30 - . er quît . - - . welichez sint diu manigen
 110va,31 tor . dâ man hine durch sol - - - .
 110va,32 daz ist innicliche riuwe . unde . voltâniu bîhte . unde .
 110va,33 êwic enthebede von den sünden . rehte geloube
 110va,34 mit guoten werken . diu heilige zuoversiht .

 110vb,1 diu wære gotesminne . - - - - -
 110vb,2 - - . der dâ hine durh kumet . der mac
 110vb,3 vollicliche sprechen . “- - - - - .
 110vb,4 - - . - - - . - - - -
 110vb,5 - - - - .” nû mügent ir âne
 110vb,6 zwîvel sîn . obe ir iuch wellent bekêren . der
 110vb,7 heilige wîssage gibet sich selben . iu ze bilede .
 110vb,8 an der stete dâ er quît . “- - -
 110vb,9 - - - - . - - - -
 110vb,10 - - . - - - - têt - - - .
 110vb,11 - - - - -
 110vb,12 - .” daz nieman sô übele tuot . bekêret er sich
 110vb,13 rehte . von den sünden . er ne werde geheiliget .
 110vb,14 vile lieben nû gânt gerne ze bîhte . diu bîhte

110vb,15 ist . daz . jungeste . unde . daz . hêreste lâchentuom . der sünden .
 110vb,16 mit deme heiltranke wart gereinet –
 110vb,17 Maria . Magdalena . unde . – Petrus . unde . der schâchære .
 110vb,18 von diu ne missetrûwe unser neheine
 110vb,19 gote nicht . swie süntic er sîc . wan er
 110vb,20 spricht . “ – – – – –
 110vb,21 – – . – – – – – . –
 110vb,22 – – – – – . – – –
 110vb,23 – – . – – – – . – – – – .”
 110vb,24 – – – – .
 110vb,25 – – – – –
 110vb,26 – . vernement vile lieben mit wie süezer stimme .
 110vb,27 mit wie süezen willen . mit wie milter
 110vb,28 ladunge . uns wider ledet in sîn rîche . wer .
 110vb,29 unser hêrre . unde . weliche zuoversiht er uns gibet
 110vb,30 an sîne genâde . obe wir uns niene sûmen an der
 110vb,31 riuwe . versûmen aber wir uns in diseme kurzeme
 110vb,32 zîte . daz . wir die sünde niht geriuwen . sô verdamnet
 110vb,33 er uns . ze jungeste mit dirre wortlicher
 110vb,34 verteilunge . des jungesten urteiles sô er uns

111ra,1 zuo spricht alsus . – – – . – – –
 111ra,2 – – . vile lieben . swer in eineme
 111ra,3 karkære gevangen liget . der ne sparet dâ
 111ra,4 vore niuwet sînes guotes . er ne loese den lîp .
 111ra,5 vone deme ane stânteme ungemache .
 111ra,6 ze gelîcher wîs . sô ez an den tôde gât . sô gæbe
 111ra,7 der man vile gerne eigen . unde . lêhen . allez sîn
 111ra,8 varnte guot . daz . er sich erlôste vone deme tôde .
 111ra,9 ist . daz . alsô . ez ist wærlîche sô . nû schouwent wie
 111ra,10 tumplîche . daz . ist . der dâ vore dechein liep gehalten
 111ra,11 er ne gebe ez âne twâle . umbe die wünne des
 111ra,12 êwigen tages . der niemer mit neheiner tunkelen .
 111ra,13 verselwet wirdet . von deme der hêrre
 111ra,14 Dâvît . gesprochen hât . – – – – –
 111ra,15 – – . dâ ne mac nehein naht sîn dâ der
 111ra,16 wære sunne gesehen wirdet . alsolich sô er ist .
 111ra,17 – – – . vile lieben nû sulent ir merken
 111ra,18 wie ez getân ist umbe daz ellende dâ wir inne
 111ra,19 schînen . unde . die heimuote dar wir gedingen
 111ra,20 ze komenne . der ellende sint zwei . ein
 111ra,21 lîhtez . unde . ein swærez . der heimuote sint ouch
 111ra,22 zwô . ein vile guotez . unde . ein micheles bezzer .
 111ra,23 ein ellende ist disiu werlt . dâ wir inne sîn . daz .
 111ra,24 nimet schiere ende . des tages sô wir sterben .
 111ra,25 daz swære ellende . daz . ist diu helle . der die bûwen
 111ra,26 sol . der hât iemer leit âne ende . ein vile guot heimuote

- 111ra,27 ist . daz . grüene paradîse dâ Adâm inne was . êr
 111ra,28 er gesündete . vile micheles bezzer ist diu
 111ra,29 heimuote des êwigen rîches . dâ got inne erkennet
 111ra,30 wirdet . alsolich sô er ist . ûzer deme ellende
 111ra,31 dirre werelte . müezen wir varn . eintweder
 111ra,32 über uns ze paradîse . unde . dannen in daz êwige rîche .
 111ra,33 oder aber under unsich zuo deme tiuvel in die vinstere
 111ra,34 der helle . vile lieben wan ir nû hine ûf geladet
- 111rb,1 sint . in die schoenen pfalnze . des êwigen rîches
 111rb,2 sô bewart iuch . daz . iuch der tiuvel ieht verschupfe .
 111rb,3 in den unschoenen karkære des êwigen tôdes .
 111rb,4 wie sulent ir iuch bewaren . vile lîhte alsus .
 111rb,5 - - - - - . geloube dich des übelen .
 111rb,6 . unde . tuo daz guote sô vile dû mügest . alse dâ geschriben
 111rb,7 stât . “- - - - . - - - .”
 111rb,8 dâr zuo sprichet – Grêgôrius . “- - - - . -
 111rb,9 - - - - - .”
 111rb,10 daz quît alsus . die guottæte helfent niwet umbe
 111rb,11 got . die man tagelîche mischet mit übelen werken .
 111rb,12 von diu . - - - . - - - .
 111rb,13 wie sulent ir komen . alsô . daz . iuch riuwe swaz ir
 111rb,14 ze übele getân hânt . unde . daz . ir niemer mêre neheine
 111rb,15 sünde tougenent . noch willen dâr zuo habent . in allen
 111rb,16 disen dingen sô ist gote allergenæmest . unde . allernæhest .
 111rb,17 - - . daz hât er selbe
 111rb,18 wole gezöuget . dâ mite sô wir iu sagen . dô er
 111rb,19 drîe tôten lebende hiez werden . dô bat in einer
 111rb,20 sîner jungeren alsus . “hêrre erloube mir .
 111rb,21 . daz . ich begrabe mînen vater .” deme antwurte
 111rb,22 er alsus . volge mir nâch . unde . lâ die tôten ire tôten
 111rb,23 begraben . alsame er sprach . ich hiez in werden .
 111rb,24 ich heize in ouch sterben . ich heize in ouch ûf stên .
 111rb,25 ne ruoche dich wie er lige . die noch in ire getrâgede
 111rb,26 sitzent . unde . noch niet erstanten sint . von den
 111rb,27 sünden . die sint tôt . die begraben ouch ire tôten .
 111rb,28 swer nû erstân welle vone sînen sünden . der sehe
 111rb,29 . daz . ane . wie unser hêrre got drî tôten hiez ûf stên
 111rb,30 an den drîn tôten vindet er offenlîche wie er tôt
 111rb,31 ist . unde . wie er lebende sol werden . alse – ez
 111rb,32 umbe der süntære tôt getân ist . al dâr nâch –
 111rb,33 erstânt ouch die süntære . eteslîcher sanfte . eteslîcher
 111rb,34 unsanfte . vone diu hiez er die maget
- 111va,1 gewâslîche ûf stân in deme hûse . den jungelinc
 111va,2 vore deme bürge tore . Lazarus ûzer deme grabe .
 111va,3 dâ er vier tage inne lac . vile lieben . der ist in deme

111va,4 hûse tôt . des sünde dannoch niet ûz komen ist .
 111va,5 vore der werlte . der ist vore . daz . bürge tor komen alsô
 111va,6 tôter . der offenliche gesundet hât . der liget
 111va,7 in deme grabe tôter . den diu gewoneheit der sünden .
 111va,8 beswæret hât . der tougenliche sündet
 111va,9 . unde . tougenliche ze bihte kumet . durch gotes vorhte .
 111va,10 der wirdet ouch tougenliche lebente . der ist geswâslîche
 111va,11 erstorben . der ist geswâslîche erstanten .
 111va,12 der hât gotes hulde . vone diu sol nieman gewehenen
 111va,13 sîner schulde . der offenliche sündet
 111va,14 der bûeze ouch offenliche . Lazarus der in deme
 111va,15 grabe lac . bezeichnenet den man der in den sünden
 111va,16 veraltet ist . der sol gerepset werden . über den
 111va,17 sulen sich alle die erbarmen die got erkennennt .
 111va,18 über den sol man wænen . über den sol man
 111va,19 almuosen geben . daz . in got bekêre . daz sint die
 111va,20 miselsühtigen . die man vone dere menige
 111va,21 sunderet . unde sol sunderen . den miselsühtigen
 111va,22 ne mac nieman gereinen . wan got eine .
 111va,23 der in den sünden veraltet . der kumet kûme widere ûf .
 111va,24 ime welle got selbe sîne hant bieten . geriuwet
 111va,25 in aber . daz . er unrehtes getân hât . swie spâte
 111va,26 er ze gote kome . sô ist er iedoch gehalten .
 111va,27 swie ir nû gesundet hânt . des vindent ir bilede .
 111va,28 an disen drîn tôten . wie ir widere komen
 111va,29 sulent . der sîner sünden gelobet wile werden
 111va,30 . daz . er sich der üppicheit rüemet . sô ne riuwet ez
 111va,31 in niet . die wîle ouch ez in niene riuwet . sô vergibet
 111va,32 ime got niemer . daz . er ze übele hât getân .
 111va,33 vile lieben nû tuont alse iu der wîssage gerâten
 111va,34 habe . mit disen worten . “ – – –

111vb,1 – . – – – – – .” lânt iuch riuwen .
 111vb,2 . daz . ir ze übele hânt getân . unde . tuont nicht
 111vb,3 mêre übeles . unde . habent den êwigen lîp . daz
 111vb,4 ruoche er iu ze gebenne . “ – – – – – . âmên .”
 111vb,5 – – – – – .
 111vb,6 – – – – – . – – –
 111vb,7 – – – – – . in der heiligen
 111vb,8 schrifte . bezeichnenet ein dinc under stunten
 111vb,9 manigiu . unde . mislîchiu dinge . – – – – – .
 111vb,10 – – – – – . –
 111vb,11 – – . – – – – – . – – – .
 111vb,12 – – – – – . wir lesen von einem
 111vb,13 lewen der geboren ist vone deme geslehte des
 111vb,14 hêrren Juda . daz . ist got selbe . wir lesen ouch vone
 111vb,15 deme lewen . der allezane umbevert suochente
 111vb,16 wen er verswelhen müge . daz . ist der tiuvel .

111vb,17 wir lesen von deme himelischen viure . wir lesen
 111vb,18 von deme viure dâ ze helle . wir lesen vone deme
 111vb,19 wâren sunnen . wir lesen vone deme viurînen
 111vb,20 sunnen . wir lesen von eineme kastelle . dar
 111vb,21 got sande nâch deme esele . den er rîten wolte .
 111vb,22 zuo Jerusalêm . wir lesen vone deme kastelle dâ
 111vb,23 got selbe in gienc . daz kastel was diu unberüerte
 111vb,24 maget . – Maria . ein kastel heizet daz . dâ ein
 111vb,25 turn stât . unde . mit einer mûre umbevungen
 111vb,26 ist . unde . sich diu zwei beschirment . under einanderen .
 111vb,27 alsô . daz . di vîande . vore der mûre . zuo deme turne
 111vb,28 nicht gegân mûgen . unde . ouch vone der mûre getriben
 111vb,29 werdent abe der hoehe des turnes . sôgetâneme kastelle
 111vb,30 wirdet gegebenmâzet diu muoter unsers hêren Jêsus .
 111vb,31 diu alsô umbeworht was mit der magetheit . beidiu
 111vb,32 ire lîbes . unde . ire muotes . daz . nie genâhen mahte dechein
 111vb,33 der gedanc der ze mennischheit hoerete . nû geschihet
 111vb,34 lîhte an anderen mageden . daz . diu übermuot .

112ra,1 ein sturm hebet an den magettuom . dâ widere habete
 112ra,2 diu maget – Maria . enalmitten in ire herze gesetzet
 112ra,3 einen turn der diemüeten . also hôhen . daz . diu übermuot
 112ra,4 niener getorste dar nâher komen . zuo der
 112ra,5 mûre der magetheit . von diu sprach unser hêre vone
 112ra,6 der diemüete . “ – – – – . – – – –
 112ra,7 – . der sich hôhet der wirdet gediemüetet .
 112ra,8 der sich diemüetet der wirdet gehôhet .” dô ir der engel ein
 112ra,9 sun gehiez . dô antwurte sie ime alsus . “ – – –
 112ra,10 – – – – . wie sol . daz . werden wan der man
 112ra,11 ne lebet nicht . des ich decheine künde habe . oder ie gewinne .”
 112ra,12 unde . sprach aber dô alsus . “ – – – –
 112ra,13 – – – – . ich bin ein dierne . unde . ein smelenge
 112ra,14 des almehtigen gotes . mir müeze geschehen al
 112ra,15 nâch dîneme worte .” – . in daz kastel gienc
 112ra,16 unser hêre . dâ inne entvienc in ein sumelich wîp .
 112ra,17 Martha geheizen . diu selbe hâte eine swester
 112ra,18 genamet Maria . die zwô geswestere bezeichnenent
 112ra,19 zwei leben dissés gagenwertigen lîbes .
 112ra,20 unde des êwigen lîbes . Martha bezeichnenet disen
 112ra,21 zîtlichen lîp . Maria bezeichnenet den êwigen lîp .
 112ra,22 dâ man got ane schouwet alsolîche sô er ist . Martha
 112ra,23 habet gewerbe . unde . sorge . umbe manigiu dinc .
 112ra,24 Maria habet minnicliche wünne mit eineme
 112ra,25 dinge . diz zîtliche leben gedienete nie an neheiner
 112ra,26 gastgeben sô wole . unde . sô vollicliche sô
 112ra,27 an der megede sancte Marîen . sô wir Marthen
 112ra,28 . unde . Marîen nemmen . sô vernemen wir an in

- 112ra,29 diu zwei leben . diu beidiu ze gote hoerent . in
 112ra,30 diseme vlühtigen ellende . unde . daz . wir kurzlîche
 112ra,31 rüeren diu sehs werc . diu zuo der erbarmunge hoerent .
 112ra,32 diu maget – Maria diu ne wisse umbe
 112ra,33 lîhte geste niet . siu geherbergete aber den allerhoehesten
 112ra,34 got in die tougene ire lîbes . siu vazzete
- 112rb,1 in dâ inne . mit mennischlîchen vleische . dâr nâch
 112rb,2 bewant siu in mit tuoche . in hungerete . siu âzte
 112rb,3 in . in durste siu sougete in . er lac in der wigen mit
 112rb,4 kintlîcher unkrefte . dâ wîsete siu sîn âne
 112rb,5 twâle alle stunte . siu truoc in ûf in ir . siu vienc
 112rb,6 in zuo ire . siu miltekôsete ime . siu vlôch mit ime
 112rb,7 in Egiptus . siu vuorte sîn . vore den juden . –
 112rb,8 – – – . siu kêrte allen ire vlîz
 112rb,9 dâr ane wie siu ime gedienete . – – . siu
 112rb,10 habete sorge umbe in dô siu sînes lîbes vorhte
 112rb,11 vore Herôde . unde . vore manigen lâgen die ime die
 112rb,12 juden schaffeten . ze jungeste dô wart siu ze herzen
 112rb,13 getrüebet . – – – – . dô ein
 112rb,14 swert gienc durch ire sêle . des leides . daz . siu
 112rb,15 einen solichen ire sun unwirdiclîche . unde . anders
 112rb,16 handeln sach danne er des wirdic wære .
 112rb,17 siu sach in vâhen . siu sach in binden . siu sach in mit
 112rb,18 geiselen villen . also ein diep . siu sach in ane spîwen .
 112rb,19 siu sach in halsslegelen . siu sach in kroenen mit
 112rb,20 dornen . siu sach daz sie ze spotte vore ime nider
 112rb,21 vielen . siu sach in erbleichen under den hûrwînen
 112rb,22 handen die er hâte geschaffen ûzer niehte .
 112rb,23 siu sach in an daz kriuze nagelen . siu sach in an deme
 112rb,24 kriuze trinken ezzich mit gallen gemüschet . siu
 112rb,25 sach daz sper in sîner sîten . siu sach in sterben . siu sach
 112rb,26 in begraben . dô wart siu allerêrest vûrekündic
 112rb,27 mit deme inniclîchen sêre . daz . beidenthalp sneit
 112rb,28 also ein swert . daz siu in erkante got . unde . mennischen .
 112rb,29 des wart siu von iegewederem sunderbâre
 112rb,30 getrüebet . zuo der sîner jungesten erbôt siu ime ein
 112rb,31 erbarmiclîchen dienest . dô stuont siu . dô gebrast ire .
 112rb,32 an deme dieneste . nâch der mennischheite . unde . manete
 112rb,33 ire sun geistlîche in ire herzen . daz . er sie schiere getroeste
 112rb,34 . unde . ir ze helfe kome . mit der goteheit . die siu an ime
- 112va,1 erkante . vone tagelîcher mitewiste . des heiligen
 112va,2 geistes . an allen disen dîngen hât siu wole
 112va,3 behalten daz teil der vrouwen Marthen . wie siu aber
 112va,4 Marîen teil behielte . daz bezziste . daz siu erwelet
 112va,5 hâte . waz mac mennischlich herze dannen erkennen

112va,6 oder dechein zunge dâr vone gesprechen . alsô
 112va,7 nâch wârheit . dâr vone ze denkenne . unde . ze sprechenne
 112va,8 ist . in der der heilige geist was . die dâ habete beschatewet
 112va,9 diu tugent des alhōhesten gotes . waz mohte
 112va,10 sie ane gote verholen sîn . in der die rîchtuome sament
 112va,11 wâren . aller wîsheite . siu saz zuo den vuozen
 112va,12 unseres hêrren . unde . saz eneben ime . dô er sament
 112va,13 ire was . sîne rede sunderbâre . sîniu wort . unte der .
 112va,14 engele wort . und hîrten . diu gehielt siu . alliu .
 112va,15 unde . habete sie zesamene . in ire herzen . hier
 112va,16 nieman gesmakte sô rehte . wie sūeze unser
 112va,17 hêrre ist . sô sîn muoter . diu maget – Maria .
 112va,18 daz ne was nehein wunder . wande in ir was der
 112va,19 lebente brunne des êwigen lîbes . unde . ûzen ire
 112va,20 gevlozen ist . diu durhnehte iegewederes lebenes .
 112va,21 sunderliche erwelte siu daz bezziste teil Marîen .
 112va,22 sunderbare volle dienete siu in deme teile der vrouwen
 112va,23 Marthen . nû ist . daz . ervüllet des siu gerete . siu
 112va,24 schouwete ire sun . – – – . alsolich sô er
 112va,25 ist . daz . ist daz teil daz allerbezzist ist . daz . siu iemer
 112va,26 haben sol . âne ende . in daz teil . entwâhe uns alle
 112va,27 unser hêrre Jêsus . – – – – – .
 112va,28 – – – – – . – – – – –
 112va,29 – – – . êr . got geschüefe himel alde
 112va,30 erde . dô was er des enein worden . daz . er vone
 112va,31 sancte Marîen wolte mennische werden .
 112va,32 ire sêle was . daz . goteshûs . in deme erhaben wart
 112va,33 . daz . aneenge . – – . unser lôsunge .
 112va,34 daz ist . daz . hûs dannen dâ geschriben stât . –

112vb,1 – – – . – – – .
 112vb,2 diu wîsheit selbe zimberete ire selber ein hûs . ûfen
 112vb,3 siben siulen . unde ergruop die siben siule noch wæher .
 112vb,4 . unde . kleiner . danne alle die siule ergraben oder gesniten
 112vb,5 sîn . dâ diu kristenheit ûfe stêt . die siben
 112vb,6 siule . daz . sint die siben gebe des heiligen geistes .
 112vb,7 an den siben siulen hânt sich alle die versuochet
 112vb,8 die ie in gotes namen buoch in hant genâmen . unde . ist
 112vb,9 noch diu wæheheit niet verbrâht diu dâr ane ersniten
 112vb,10 ist . mit den siben siulen habet sich al umbezimberet .
 112vb,11 unser vrouwe – Maria . siu habete
 112vb,12 ouch mêre dâr ane erkennet denne alliu diu
 112vb,13 mennischen die in dise werelt ie geboren wurden .
 112vb,14 dô siu in ir habete die arke . dâ beslozen inne
 112vb,15 was ganzlîche der rîchtuom aller wîsheite . an der
 112vb,16 ungebrâcheten erde wuohs ein bluome . von deme
 112vb,17 alliu disiu werlt gezieret ist . unde . guoten smac hât .
 112vb,18 – – – – . – – – .

112vb,19 alliu diu samenunge der engele . unde . der mennischen die
 112vb,20 got ane schouwent . die habent ouch sie nû lange
 112vb,21 ane geschouwet . mit verwizzener anesihte . unde .
 112vb,22 ne habent sich noch nicht vollewunderet . daz . siu
 112vb,23 nâch gebürte maget ist . unde . hânt sie gelobet
 112vb,24 mit ebenhelliger kürre . mit wunderlicher einmuoten .
 112vb,25 zuo einer küniginne . über himel . unde .
 112vb,26 über erde . daz ist der brunne besigeleter . garte
 112vb,27 beslozzener . dâ uns ûz gevlozzen ist . --
 112vb,28 --- . des müezen wir gesmecken .
 112vb,29 in sîneme rîche . alsolîche sô er ist . --- .
 112vb,30 --- .
 112vb,31 --- . --- .
 112vb,32 - . daz quît - . übervart . daz wâren
 112vb,33 der juden ôsteren . sie begiengen alliu jâr den
 112vb,34 tac . daz . sie got loesete ûzer Egiptô . dâ sie wâren -

113ra,1 gevangen . vile nâch vier hundert jâre . von deme
 113ra,2 zîte . daz . Josepch sînen vater . unde . sîne bruodere dâr in
 113ra,3 brâhte unz ane den tac . daz . sie Moises dannen ûz
 113ra,4 leitte mit der krefte gotes . unde . er sie vuorte --
 113ra,5 - . alsô . daz . sich daz rôte mere teilte in zwelif
 113ra,6 strâze . daz . diu zwelif geslehte Jakobes kinde
 113ra,7 in truckeme lande dâ durch vuoren . unde . alse Dâvît .
 113ra,8 hât gesprochen . “- - - - - .”
 113ra,9 der wende wâren viere . unde . zweinzic . der strâzen wâren
 113ra,10 zwelife . unde . an iegelîcher strâze vuor ein here
 113ra,11 unz sie alle ûz komen . daz . sie einen mennischen nicht
 113ra,12 verluren . die in aber nâch vuoren . die ertrunken alle
 113ra,13 alsus ergienc . daz . dô Moises sie an . daz . mere brâhte . dâ
 113ra,14 was in Pharaon nâch gezogen . mit alleme sîneme
 113ra,15 here . gewâfenetes liutes . Moises ne habete aber
 113ra,16 einen gewâfeneten man nicht . die vîande wâren
 113ra,17 hinder ire rügge . vile nâhe bî . in . daz . gebirge was .
 113ra,18 eneben in . daz . rôte mer was vore in . in den sorgen
 113ra,19 rief Moises zuo gote . unde . sprach alsus . “hêrre di vîande
 113ra,20 sint hinter uns . daz . gebirge ist neben uns .
 113ra,21 . daz . wazzer ist vore uns . wande wir niene wizzen
 113ra,22 war wir sulen . - - - - - . nû gevlichen
 113ra,23 wir zuo dîn eines helfe .” bî deme worte .
 113ra,24 sluoc er ûf . daz . mere mit der gerte . die er in der hant habete .
 113ra,25 dô teilte sich . daz . mere . unde . vuoren sie durch .
 113ra,26 alse ir vernomen hânt . daz . was diu selbe gerte
 113ra,27 diu ouch ze eineme slangen was worden . ûfen deme
 113ra,28 berge dâ ime unser hêrre erschein . dâ ouch in eineme
 113ra,29 gespreidahe Moises ein viur sach . mit der er ouch diu zehen
 113ra,30 wunder in Egiptô geworht habete . alsus brâhte

- 113ra,31 er sie durch . daz . rôte mere . in eine wüesten . dô sie
 113ra,32 in die wüesten komen dâ in got . daz . himelbrôt gap .
 113ra,33 . daz . wazzer ûzer deme steine dâ in Moises erschein .
 113ra,34 lieht alse diu sunne des tages . dô sie dâr

 113rb,1 in komen . dô was aller ire menigen alsus vile .
 113rb,2 sehs hundert tûsende . sechzic tûsende . sehs unde
 113rb,3 sehszic tûsende . wîchafter manne . âne wîp . unde
 113rb,4 kint . unde . âne hagestalte . diu alliu erwahsen
 113rb,5 wâren . in vier hundert jâren . vone zwelif
 113rb,6 geslehten Jakobes kinde . unde . daz . sie alsus durch
 113rb,7 . daz . rôte mere dare gewîset wurden . den tac
 113rb,8 habeten sie iemer after diu ze eineme ôstertage .
 113rb,9 unde . an deme selben ôstertage dô allez daz
 113rb,10 liut ze Jerusalem komen was . daz . dâ umbe
 113rb,11 iener in der judenscheft was . zuo der aller gesiht
 113rb,12 wart unser hêrre Krist hiute in disem tac vûre
 113rb,13 unser sünde an daz kriuze gehenket . unde . lôste
 113rb,14 uns dâr ane von deme êwigen tôde . mit
 113rb,15 neheineme ander werde wan mit sîn selbes lîbe .
 113rb,16 - - - - -
 113rb,17 daz sint die niuwen ôsteren . die wir begên
 113rb,18 sulen . daz . uns got vuorte ûzer deme apgrunde
 113rb,19 des êwigen tôdes . in die lîhtunge . unde . in den wîchtuom
 113rb,20 der himelischen Jerusalem . unde alse sie ire
 113rb,21 ôsteren begiengen mit eineme lambe . nâch der gewoneheit .
 113rb,22 sô sie der hêrre Moises hâte gelêrt . dô sie sich
 113rb,23 iezuo ane ûz heben solten . alsô sulen wir unsere
 113rb,24 niuwe ôsteren begân . mit sîneme vleische . unde
 113rb,25 mit sîneme bluote . alle die tage sô wir uns heben
 113rb,26 von den sünden . - - - . unde . allermeist
 113rb,27 sô lîp . unde . sêle scheident . unde . sich diu sêle hebet ûzer
 113rb,28 Egiptus . ûzer dirre werlte vinsteren . zuo der genôzschefte
 113rb,29 der heiligen engele zuo der anesihte des almehtigen
 113rb,30 gotes . in den vrônehov des êwigen lîbes . dar
 113rb,31 uns alle – vollebringen müeze unser hêrre
 113rb,32 Krist . der hiute an diseme tage durch uns alle erstuont
 113rb,33 von den tôten . daz ouch wir müezen erstân
 113rb,34 von allen unseren sünden . unde . mit ime rîchesen . - .

 113va,1 - - - - .
 113va,2 - - - - -
 113va,3 - - - . iuwer aller herzen müezen
 113va,4 betouwen . unde . gereinet werden . unde . wuocherhaft
 113va,5 werden . vone der inniclichsten wîsunge
 113va,6 des heiligen geistes . - - - . -
 113va,7 - - - - . - - - - .

113va,8 ----- . -
 113va,9 ---- . ---- . --
 113va,10 - . ----- .
 113va,11 daz quît . nieman sol den niuwen wîn giezen
 113va,12 in die alten buteriche . die buteriche brestent .
 113va,13 unde . ist der wîn verloren . niuwen wîn
 113va,14 sol man tuon ouch in niuwe buteriche .
 113va,15 eteslich wîn machet . daz . der man weinet . eteslîcher
 113va,16 vröuwet ouch des mennischen herze .
 113va,17 der niuwe wîn . der . ist daz gotes wort . daz . deme rehten
 113va,18 mennischen allezane zuo bringet niuwe
 113va,19 mandunge . die veralteten buteriche . daz . sint
 113va,20 diu vleischlichen herzen . diu mit übler gewoneheite
 113va,21 ze bôsheite sint worden . nû sprechent
 113va,22 mit inniclichen willen . “--
 113va,23 ---- .” ist . daz . ir iuwich bekêrent .
 113va,24 . unde . rehtiu herzen gewinnen zuo den geboten
 113va,25 unsers hêrren . sô ergât . daz . über iuch . ----
 113va,26 -- . sô werdent iuweriu herzen niuwe .
 113va,27 sô gehabt siu ouch den niuwen wîn .
 113va,28 ----- . ----
 113va,29 - . ---- . diu gruntveste .
 113va,30 unde . diu fundamunde . der heiligen kristenheite
 113va,31 daz sint die heiligen wîssagen . unte die heiligen
 113va,32 zwelivboten . unde diu heilige lêre . diu vone
 113va,33 in komen ist . diu burge tor diu unsereme
 113va,34 hêrren liebere sint denne alliu diu vorebildunge .

 113vb,1 diu wîlent begangen wart . in der alten
 113vb,2 . ê . daz . sint dise tugende mit guoten werken . weliche .
 113vb,3 diu heilige geloube . diu heilige zuoversiht . diu heilige
 113vb,4 minne . der heilige touf . die nâch deme toufe gesündent
 113vb,5 die sulen zuo disen bürge toren in komen . sie
 113vb,6 sulen hân wâre riuwe . voltâne bihte . êwige enthebede .
 113vb,7 von den sünden . über diz hûs biten den
 113vb,8 almehtigen got hiute . swaz dechein mennische .
 113vb,9 hier gere guoter dinge . daz . er des gewert werde .
 113vb,10 ----- .
 113vb,11 die heiligen gotes engele gewîsent hiute hier
 113vb,12 ire hûsgenôze . den sie hier bevore erbolgen
 113vb,13 wâren . alsô dâ geschriben stât . “--
 113vb,14 -- .” hier varent die heiligen engele
 113vb,15 hiute beidiu nider . unde . ûf . mit micheler mandunge koment
 113vb,16 sie . sô diu sêle entslâfen ist . an allen den dingen
 113vb,17 dâ der lîp ie decheine minne zuo gewan . unde . siu
 113vb,18 mit allen ire gedanken ruowet . vone den ûzeren
 113vb,19 arbeiten . mit wachendeme herzen . in der aneschouwede
 113vb,20 des almehtigen gotes sô koment die heiligen engele

113vb,21 vroeliche . swenne aber des mennischen muot denne
 113vb,22 wirdet widerkêret mit der swæren mennischlicher broede .
 113vb,23 sô tunktelet ez . unde . in eineme gewulkene . daz . den schîmen
 113vb,24 des êwigen liehtes dannen ûz getriben hât . sô vellet
 113vb,25 ez aber here widere nider . – – in sîne alte gedanke .
 113vb,26 zuo den erbarmiclichen unzühten des lîbes .
 113vb,27 sô vliehent unser hûsgenôze vone uns . sô schament
 113vb,28 sich unser die engele . zuo ire genôzschefte . dâ ze
 113vb,29 himele . vile lieben nû stânt ir hier in deme hûse des
 113vb,30 himelischen küniges . hier wecket er . hier ladet er .
 113vb,31 sîne gemahelen . iuwer iegeliches sêle . die er koufete
 113vb,32 mit sîneme bluote . nû spricht er iu zuo . –
 113vb,33 – – . stant ûf . mîn vile liebiu vriuntinne .
 113vb,34 – – – . schüte dich von den alten sünden . dâ

114ra,1 dû inne entslâfen wære . ziere mir ein goteshûs .
 114ra,2 in dîneme herzen . dâ wile ich inne bûwen . obe dû
 114ra,3 dich der sünden geloubest . – – –
 114ra,4 – – – – – . nû vile
 114ra,5 lieben . – – – – –
 114ra,6 – – . diu heilige kristenheit ist iuwer
 114ra,7 muoter . sint ouch ir nû diu kint der kristenheite
 114ra,8 sô begânt ir rehte ein iegelîche kirchwîhen .
 114ra,9 – – – – –
 114ra,10 – . werdent hiute des enein . unde . swâ ir
 114ra,11 iuch in gotes namen gesamenent . daz . ir gewærlîche
 114ra,12 koment zuo deme uoplîchen tage .
 114ra,13 der vrônen urstende . ir sulent des enein werden
 114ra,14 – – mit emzicheite . vone
 114ra,15 stunte ze stunte . von tage ze tage . – –
 114ra,16 – – . unz an die egge des altæres .
 114ra,17 der altær ist got selbe . der an deme kriuze sîn bluot
 114ra,18 opferete vûre uns alle . – – –
 114ra,19 – . daz wâren die nagele die durch sîne
 114ra,20 hende geslagen wurden . an deme galgen des
 114ra,21 heiligen kriuzes . mit gebete . mit vastene .
 114ra,22 mit küssen . mit allen guottæten sulen wir
 114ra,23 alle tage umbe got gedienen . swenne
 114ra,24 uns der tût begrîfe . daz . er uns ze stunte vinde .
 114ra,25 obe wir alzoges ne mügen an deme kriuze niet
 114ra,26 sîn . doch an eteslîcheme nagele des heiligen
 114ra,27 kriuzes . von deme altære spricht got selbe .
 114ra,28 – – – – . der altær ist von der
 114ra,29 megede – Marien . ein guotlicher mennische .
 114ra,30 ûf komen . ûf gestanten . – – – – .
 114ra,31 – – – – . – – – – –
 114ra,32 – – . – – – – –

- 114ra,33 – . in der werlte ist ez zwirent alsô gestanten .
 114ra,34 daz . mînes trehtînes geswîget was . under
- 114rb,1 mennischen . noch kumet ein stille . zuo deme
 114rb,2 êwigen lîbe . daz . die mennischen geruowent
 114rb,3 vone werltliche . krademe . unde . vone aller
 114rb,4 unrâwe . dâ hânt sie – . under
 114rb,5 den lohezeten steinen . des grünen paradîses .
 114rb,6 daz ist diu dritte stille . diu êreste stille was
 114rb,7 vore der . ê . driu tûsent jâre . unde zehenzic jâre .
 114rb,8 diu ander stille was nâch der . ê . des – . daz . was
 114rb,9 diu mittel stille . in der êresten stillen . erkanten
 114rb,10 die mennischen nieht . neweder die sünde . die
 114rb,11 sie getân hâten . noch den lâcstâten tât . der ûf
 114rb,12 in lac . vone diu swîgen siu . also aber diu . ê . dô
 114rb,13 gegeben wart per Moises . unde . in diu sünde gezôuget
 114rb,14 wart . dô begunden die sântigen heil schouwen .
 114rb,15 – – – . – – – –
 114rb,16 – – – . dô sie dô niun hundert
 114rb,17 jâre geschrît hâten . nâch der gebûrte unseres
 114rb,18 hêrren . daz . siu koeme . dô gesweic aber unsers hêrren .
 114rb,19 allez daz an deme ertrîche was . daz . was diu
 114rb,20 andere stille . in der stillen wart got geboren .
 114rb,21 dô rief allez . daz . daz sælic geboren was . “genâde
 114rb,22 hêrre . genâde .” dô was diu mittele stille
 114rb,23 zerbrochen . dô gap got vride . unde . genâde . unde . hiez
 114rb,24 erbarmunge . unde . antlâz der sünden . daz goteswort .
 114rb,25 kôset noch in der werlte . “– – –
 114rb,26 – – – . – – .” nâch der rede .
 114rb,27 – – – . – – – – .
 114rb,28 in der mittelen stillen . also wir geredet hân .
 114rb,29 – – – – – . wer
 114rb,30 komet dâ . wannen . ware . daz goteswort .
 114rb,31 gotessun . ein küninc . eines küniges sun .
 114rb,32 wannen . vone der zesewn sînes vateres . ware .
 114rb,33 zuo deme galgen des kriuzes . vone deme küninclîchen
 114rb,34 stuole . zuo eineme wercgademe meintætiger
- 114va,1 sünden . von der lichten des himeles . zuo der vinsteren
 114va,2 der helle . – – – – – . – – – –
 114va,3 – – . wan alle die mit arbeiten in . daz .
 114va,4 himelrîche koment . der iegelîche entwâhet
 114va,5 die krône des êwigen lîbes . unde . sint alle sunderbare
 114va,6 gekroenet . unde . rîchesent mit ire vater
 114va,7 in sîneme êwigen rîche . daz . er sînen kinden
 114va,8 gemachet hât vone anegenge dirre werelte .
 114va,9 alsô dâ geschriben stât . “– – – – –

- 114va,10 - - - - -
 114va,11 - - - .” sint sie sîne süne . sô sint sie ouch
 114va,12 küninge . sint sie aber küninge . sô muoz
 114va,13 ire iegelîche einen künincstuol . eine krône
 114va,14 . unde . ein rîche hân . ein küninc an der erde
 114va,15 der vile süne hât . der ne mac niuwet wan einen
 114va,16 küninc gemachen . aber dirre küninc
 114va,17 des rîche über alliu rîche ist . alsô manigen
 114va,18 sun sô der hât . alsô manigen sun kroenet
 114va,19 er ouch . in sîneme rîche . der geheiz ist unser
 114va,20 nieht . er ist unseres hêrren . der zuo sîneme
 114va,21 himelischen vater sprach . “- - -
 114va,22 - - - - - . - - -
 114va,23 - - - - - .”
- 182ra,34 - - - .
- 182rb,1 - - - - - .
 182rb,2 lieben wir begân hiute daz vroelîche unde daz
 182rb,3 grôze hôchzît . der urstende unsers hêrren Jêsu Christi . den tac
 182rb,4 von deme der heilige wîssage Dâvît sprach . “- -
 182rb,5 - - - - - .” diz wære der tac den got selbe hæte
 182rb,6 gemachet . wande alse – Grêgôrius quît . - -
 182rb,7 - - . ez ist ein tult über alle tulte .
 182rb,8 unde . ist daz billich . unde . reht . - - - - - .
 182rb,9 daz wir uns hiute vröuwen . unde . menden in dem
 182rb,10 almehtigen gote verre danne an einem ander
 182rb,11 tage . diz ist der liebe tac . von deme dâ geschriben
 182rb,12 stât . - - - - -
 182rb,13 - . daz wir iemer in unserme gemüete
 182rb,14 eigen den tac daz uns got erlôste ûzer
 182rb,15 Egiptelande . daz ist diu vinstere der helle . von der
 182rb,16 got sîn liut erlôste an diseme hiutigen tage .
 182rb,17 dô er die helle zerbrach . unde . dâr ûz nam alle die sînen
 182rb,18 willen hæten getân . unde . siu vuorte - - - .
 182rb,19 in daz lant des vrides . unde . der genâden . ze der himelischen
 182rb,20 Jerusalêm . daz ist der êwige lîp . des tages ermanet
 182rb,21 uns ouch der heilige bote – Paulus . an
 182rb,22 den worten diu wir ze dem êrst sprâchen . diu quedent
 182rb,23 alsus . der gewîhete haltære unser hêrre Jêsus Christus
 182rb,24 der wart versalt . unde . hin gegeben . ze der marter . durh
 182rb,25 unser sünde . unde . erstuont von deme tôde durh unser
 182rb,26 rehthafte - - - - - .
 182rb,27 daz wir heilic unde reht wurden als ouch er heilic
 182rb,28 unde . reht ist unser hêrre der almehtegot . unde daz er
 182rb,29 uns wider brâhte ze unserm êrsten rehte . disiu
 182rb,30 wort des heiligen boten diu ermanent uns der

- 182rb,31 marter unde der urstende unsers hêren Jêsu Christi .
 182rb,32 unde . zweier dinge diu uns an geerbet sint . einz von
 182rb,33 Adâme . unserm altvordern . daz heizet – .
 182rb,34 diu tôdeme daz wir alle sterben müezen an deme
 182rb,35 lîbe . daz ander von unserme hêren Jêsu Christo .
- 182va,1 daz ist – . diu untôdeme . daz wir untôdemic
 182va,2 solen werden . unde . als er an diseme hiutigen tage
 182va,3 erstuont von deme . tôde . gewære got . unde . gewære
 182va,4 mennische . daz ouch wir ze dem jungesten tage
 182va,5 alsô sulen erstân mit deme selben lîbe . unde . mit der
 182va,6 selben sêle sô wir ie schînen . diz was unser êrste
 182va,7 reht – – . daz gewant der untôdeme .
 182va,8 daz verlôs uns Adâm . dô er unsers hêren gebot
 182va,9 übergie . unde . brâhte uns daz ander reht . daz ist der tôt
 182va,10 den wir alle müezen lîden . alse got ze ime sprach . dô
 182va,11 er gesundete . “– – . – – – .
 182va,12 dû bist ein stüppe . unde . muost ouch ze eineme stüppe werden .”
 182va,13 von deme rehte hete uns mîn trehtîn hiute
 182va,14 erlöst obe wir selbe wellen . unde . hete uns wider
 182va,15 brâht ze unserm êrsten rehte der unschuldige . unde
 182va,16 der untôdeme . daz wir niemer des êwigen tôdes
 182va,17 ersterben . obe wir in sîneme gebote mit guoten
 182va,18 werken . unde . mit rehter geloube unz an daz ende
 182va,19 belîben . wie aber unser hêre erstüente alde wenne .
 182va,20 daz vinden wir an deme heiligen – daz man
 182va,21 gester las . daz schrîbet sancte Matheus . unde . an deme
 182va,22 daz man hiute liset daz schrîbet sancte Markus .
 182va,23 sancte Matheus der quît alse hiute wære vore tage .
 182va,24 dô kâme sancte Maria Magdalena von der mîn trehtîn
 182va,25 siben tiuvel vertreip . unde . sancte Maria unsers hêren
 182va,26 muome nâch der mennischheit sancte Jakobes . unde . sancte Johannes
 182va,27 muoter êwangelistae . unde . wolten daz heilig grap gesehen .
 182va,28 dô was unser hêre erstanten . unde . was ein michel ertbibôt
 182va,29 worden . unde . was der heilic engel . von himel
 182va,30 komen . des antlûtte was als ein blickeze . unde . sîn
 182va,31 gewant wîz alse der snê . unde . hæte den stein abe deme
 182va,32 grabe genomen den die juden dâr ûf hæten geleit .
 182va,33 unde . saz er dâr ûfe . unde . von sînere vorhte sô erschrâken
 182va,34 die ritter die des grabes huotten . unde . lâgen alse
- 182vb,1 siu tôt wâren . dô diu sunne dô ûf gie alse sancte Markus
 182vb,2 quît . dô kâmen die heiligen vrouwe mit ire pigmenten .
 182vb,3 unde . mit ire geselbe . unde . wolten unsers hêren
 182vb,4 lîchamen salben . nâch deme site der juden daz er
 182vb,5 niwet vûlete . dô siu dô in daz grap giengen . dô sâhen
 182vb,6 siu den engel zeswenthalp in deme sitzen . unde . kâmen

- 182vb,7 dâ von ze michelre vorhte . dô trôste siu der engel .
 182vb,8 unde . sprach . daz siu in niwet vorhten . er wisse wole
 182vb,9 daz siu Jêsum von Nazarêt suochten . der wære erstanten .
 182vb,10 unde . ne wære dâ niwet . unde . hiez er siu dô daz
 182vb,11 siu ez seiten sînen jungeren unde ouch sancte Pêter .
 182vb,12 der sîn drîe stunt hæte verlougenet . nû sulen wir
 182vb,13 tuon alse dise heiligen vrouwe tâten . wir sulen
 182vb,14 unsers hêrren hiute wîsen mit unserme guoten
 182vb,15 geselbe . unde . mit unseren pigmenten . daz ist diu rehte
 182vb,16 geloube . unde . diu guoten werc . daz wir daz wole sulen gelouben
 182vb,17 als er erstuont von sîneme gotelîchen gewalte . daz ouch
 182vb,18 wir alsô sulen erstân von sînen genâden . unde . swaz wir
 182vb,19 ouch guotes . unde . rehtes gelouben alde wîzen . daz wir daz
 182vb,20 unseren ebenkristenen gerne sagen . unde . künden durh
 182vb,21 bezzerunge . als ouch die heiligen vrouwe dem engel
 182vb,22 geloubeten . die urstende unsers hêrren . unde . si ouch dô kûndeten
 182vb,23 sînen jungeren . wie wir aber ze deme jungesten
 182vb,24 urteilede sulen erstân daz seit uns sancte Paulus . unde . quît
 182vb,25 ez geschehe – – . – – – . in einere hantwîle .
 182vb,26 unde . in eineme ougenblicke . alse schiere sô ein ouge ûf
 182vb,27 unde zuo ist getân . unde . erstanten alle in – –
 182vb,28 – Christi . in dem alter sô ouch unser hêrre
 182vb,29 erstuont . daz ist in der wielîche sô der mennische ist
 182vb,30 an sîneme drîzigesten jâre . sô er in sînere bezzisten
 182vb,31 tugende ist . – – – – . unser iegelîche
 182vb,32 nâch sînere wirdige . – – – – . eteslîche ze dem
 182vb,33 êwigen lîbe . unde . ze den êwigen genâden . – –
 182vb,34 – – – – . eteslîche erstânt ouch ze deme êwigen
- 183ra,1 itewîze ire sünden . daz siu iemer êwiclîche in der helle
 183ra,2 sehen . unde . hoeren müezen . dâ von beschirme uns unser
 183ra,3 hêrre Jêsus Christus . unde . helfe uns daz wir ime alsô gedienen
 183ra,4 in diseme lîbe . daz wir nochwennen mit ime
 183ra,5 erstân müezen – – – . ze dem êwigen
 183ra,6 lîbe . unde . ze den êwigen genâden . – – – – – . – – – – – . âmên . – –
 – – – . – – . âmên .
 183ra,7 – – – – – . von den genâden unsers hêrren . sô begân wir
 183ra,8 über jâr dicke die tulttage sîn selbes . unde . sîner
 183ra,9 lieben muoter . unser vrouwen sancte Marîen unde
 183ra,10 ander sîner heiligen . die mennischen wâren . alsô wir
 183ra,11 sîn . unde . sich doch alsô verre wider der broede ire vleisches
 183ra,12 satzten daz si sint gehêrt in himele . und in erde .
 183ra,13 unde . daz si uns sint vûre gesezet ze bilede . daz wir mit
 183ra,14 ire helfe mûgen komen ze den selben genâden .
 183ra,15 sô si hânt besezen . iedoch wan der himelinsche hov
 183ra,16 von aneginne ie was gezieret mit den sæligen
 183ra,17 geisten . der hêren engelen . die sich nie von der minne .

- 183ra,18 noch von deme dieneste ire schepfærs nie geschieden .
 183ra,19 noch niemer gescheident . sô ist uns hiute dirre
 183ra,20 heilige tac . dâr zuo gesetzt . daz wir si hiute loben
 183ra,21 unde . hêren alsô verre sô wir mûgen . wande si die sint
 183ra,22 die uns von den lâgen . unde . von den listen der übelen
 183ra,23 geisten in diseme lîbe sulen behüeten . unde . uns des sulen
 183ra,24 helfen daz wir hier alsô geleben daz wir wirdic
 183ra,25 werden daz wir ze ire genôzschefte her nâch mûgen
 183ra,26 komen . diz sint die unser gebet unserme hêren
 183ra,27 tageliches sulen bringen . unde . die unser sêle vûre sîne
 183ra,28 anesiht antwûrent . obe wir si von uns mit unrehten
 183ra,29 werken niewet vertriben . ez wære
 183ra,30 vile des man machte vrâgen . unde . sagen von den heiligen
 183ra,31 engeln . obe messe ze ende mohte komen .
 183ra,32 wenne . unde . welich si wurden geschaffen . wie die
 183ra,33 guoten wurden gestatet . wie die übeln wurden
 183ra,34 verstôzen . von ire ordenen . von ire ambahten . von

 183rb,1 ire namen . von ire zale . unde . von manigen andern
 183rb,2 dingen diu ze inen trâfen . in disen dingen allen
 183rb,3 sô haben wir daz in der heiligen schrift daz si sint
 183rb,4 unsers hêren êrste . unde . diu hêrste geschepfede . doch
 183rb,5 man lese daz er ze dem êrst geschüefe himel unde erde .
 183rb,6 wie si aber beidiu mûgen wâr sîn daz ne ist niewet
 183rb,7 kurzes zîtes ze rechenenne . noch kleiner vernumfte .
 183rb,8 ze vernemenne . daz sullen wir iedoch vile wole
 183rb,9 merken . unde . vile emzige gedenken doch si in aller schoene
 183rb,10 in aller guotliche . in aller der wizzentheite . der si dô bedorften
 183rb,11 wurden geschaffen . unde . si die selpwale hâten . daz
 183rb,12 sich mohten kêren ze swedereme sô si wolten .
 183rb,13 ze gote . alde von ime . daz die übeln die sich von
 183rb,14 ire schepfære mit hôchvart schieden . nieman mohte
 183rb,15 gehelfen . nehein diu hêrschaft ire geschepfede . noch diu
 183rb,16 hoehe der himelen . si ne wurden iesâ verstôzen von allen
 183rb,17 ire êren . unde . von allen himelischen genâden . unde . ne wurden
 183rb,18 ire ein teil versenket in die tiefe der helle . ein teil her
 183rb,19 in disen luft ob der erde . die unz an den jungesten tac .
 183rb,20 die guoten . unde . die rehten sulen mit ire müeje gereinen .
 183rb,21 unde . von ire sünden erliutern . unde . die übelen . unde . die unsæligen
 183rb,22 verleiten . unde . denne ze jungeste die mit inen
 183rb,23 werdent vunden sament inen in daz êwige helleviur
 183rb,24 werdent verschalten . unde . si alsô sint verhertet in der übele daz
 183rb,25 si niewet mûgen noch gerent wider ze kommenne .
 183rb,26 noch gotes genâde ze suochenne . die aber dô ire dankes
 183rb,27 unde . unbetwungen mit gote beliben . unde . an
 183rb,28 sîner minne stæte wâren . die wurden alsô verre
 183rb,29 ze alleme guote . ze allen genâden gestatet . daz sie
 183rb,30 niemer ne wellent . noch ne mûgen von ire schæfære .

183rb,31 noch von sîner minne gescheiden . mit
183rb,32 disen dîngen sullen wir des werden ermanet
183rb,33 daz wir armen mennischen aller unser sinne
183rb,34 unde . unser gîrede . ze der minne unsers hêrren gerne kêren .

183va,1 der uns sol bringen ze der himelischen genâde . wan
183va,2 uns nehein gewalt . nehein hêrschaft . nehein
183va,3 rîchtuom . nehein . guotlîche . der werelte mac beschirmen .
183va,4 noch gehelfen ob wir uns wider
183va,5 ime mit hôchvart setzen wir ne müezen hin
183va,6 ze der helle ze dem tiuvele . ze dem wir uns hân
183va,7 gemachet obe wir es vile wærlîche wider niene
183va,8 komen . gehabt wir uns aber vaste ze unserme
183va,9 hêrren dem almehtigen gote . unde . ze sîneme dieneste .
183va,10 sô haben wir den trôst von sînen genâden .
183va,11 daz wir nû in diseme lîbe haben die huote . unde die
183va,12 helfe sîner heiligen engelen . unde . daz wir her nâh
183va,13 mügen komen ze ire genôzschefte in den himelischen
183va,14 genâden . daz verlihe uns got . — — — .